



PREDLOG PLATFORME

za učešće ministra regionalno-investicionog razvoja i saradnje sa nevladinim organizacijama Ernada Suljevića na svečanoj na Akademiji u organizaciji Udruženja građana porijeklom iz Sandžaka, Sarajevo, Bosna i Hercegovina, 26. novembra 2024. godine

OPŠTE INFORMACIJE

Ministar regionalno-investicionog razvoja i saradnje sa nevladinim organizacijama Crne Gore Ernad Suljević, boraviće u zvaničnoj posjeti Republici Bosni i Hercegovini 26. novembra 2024. godine.

Poziv za posjetu je uslijedio od strane Udruženja građana porijeklom iz Sandžaka u Bosni i Hercegovini, najvećeg udruženja iseljenika porijeklom iz Crne Gore koje djeluje u ovoj državi u formi nevladinog udruženja. Udruženje građana porijeklom iz Sandžaka u Bosni i Hercegovini organizuje svečanu Akademiju na kojoj će biti riječi o saradnji i vezama sa Crnom Gorom, te načinima za njihovo unapređenje kroz regionalnu saradnju i ekonomsko povezivanje.

Istovremeno, u znak sjećanja na dan osnivanja Zemaljskog antifašističkog vijeća narodnog oslobođenja Sandžaka (ZVNOS) u Pljevljima 1943. godine, ministar će prisustvovati svečanosti obilježavanja 20. novembra Dana Sandžaka i 25. novembra Dana državnosti Bosne i Hercegovine, koje udruženje organizuje u cilju isticanja istorijskih i kulturnih veza između Crne Gore i Bosne i Hercegovine. U toku zvanične posjete ministar će prisustvovati svečanosti gdje će biti upriličena dodjela stipendija studentima i učenicima za školsku/akademsku 2024/2025. godinu, kao i priznanja njihovim donatorima.

ZNAČAJ POSJETE

Prisustvo ministra regionalno-investicionog razvoja i saradnje sa nevladinim organizacijama Ernada Suljevića ovoj manifestaciji od značaja je za unapređivanje kulturnih veza i jačanje dobrosusjedskih odnosa između Crne Gore i Bosne i Hercegovine.

SASTAV DELEGACIJE

Na službeno putovanje ide ministar regionalno-investicionog razvoja i saradnje sa nevladinim organizacijama Ernad Suljević.

Troškove posjete ministra regionalno-investicionog razvoja i saradnje sa nevladinim organizacijama snosiće Ministarstvo regionalno-investicionog razvoja i saradnje sa nevladinim organizacijama.